


Manmin nga mga Balita

NUMERO 18 MAYO 6, 2012

Ang Pagkabalaan sa Ebanghelyo ni Gamot og Lawum sa Pakistan, Islamic Republic!

Si Dr. Jaerock Lee Napiling International Chairman of the Council of Bishop & Heads sa National Churches, sa Pakistan



■ Unang litrato: Ang Miracle Healing Crusade nga gipangunahan sa Water of Life Church, gibanabana sa 10,000 ka tawo ang nanambong (Didto sa : FGA Ground sa Lahore) ■ Ika-2 litrato: Pastor Taesik Gil nagwali sa Lahore Miracle Healing Crusade (Wala nga bahin sa litrato) ■ Ika-3 litrato: Igsoon Tarik Gil nagpamatuud nga naayo ang iyang sakit sa ulo ■ Ika-4 nga litrato: Ang mga pastor sa mga simbahan nga nagparehistro sa Manmin isip kaubang simbahan

Ang balaang ebanghelyo gamhanan bisan sa Islamic republic of Pakistan.

Marso 12-30, 2012 naay misyon trip sa Pakistan. Si Pastor Taesik Gil (Daejeon Manmin Church), nibisita sa 7-ka syudad apil ang Lahore, Sialkot og Faisalabad og naghimog 7-ka siminar sa mga pastor og 10-ka Healing Crusade (Buhat 19:11-12). (mabasa sa p.4).

Kining “mission trip” nahimo tungod sa hangyo sa mga bishop og duha ka Christian assemblies; Ang Church of Pakistan Assembly og Methodist Assembly. Ang siminar sa mga pastor og ang Miracle Healing Crusade malampuson uban sa pagbantay sa lokal nga mga pulis. Resulta sa malampusong krusada, ang kahibulongang lihok nahitabo: 56 ka mga simbahan nagpa rehistro isip sanggang simbahan og nakig uban, og ang lokal nga Methodist Assembly, nga naay 88 ka simbahan, nagparehistro sa Manmin isip associative assembly.

Ang Council of the Bishop & Heads of the National Churches nga naay mga 80 ka bishop og representatives, sila nipili ni Senyor Pastor Dr. Jaerock Lee, nga maoy ilang international board chairman. Si Bishop Yousaf Sohail niingon, “Amo siyang gipili kay gusto namo nga ang mga pastor sa Pakistan og mga magtotoo motubo diha sa espiritu og makadawat og mga panalangin pinaagi sa iyang eapirituhanong pagdumala.”

Ang Diyos, nagtinguha nga ang tanang katawhan maluwas og makahibalo sa tinuod nga kaalam, naglihok sa Pakistan. Si Dr. Jaerock Lee naghimo og “Pakistan United Crusade” niadtong tuig 2000 og iyang gi-proklama nga si Ginoong Hesu Kristo ra gyud ang atong Manluluwas. Pinaagi sa maong krusada daghang tawo ang nausab. Kini usa ka mega-sized nga krusada sa kristohanong kasaysayan sa Islamic nga mga nasod.

Sugod ato, ang mga Pastors’ Seminars og Miracle Healing Crusades nagpadayon. Pastor Taesik Gil

nagsigig bisita sa Pakistan og naghimog mga siminar og mga miting sa 11-ka syudad. Dugang pa, ang pagpangalagad sa Manmin aktibong nagpadayon pinaagi sa nagkalain-laing paagi sama sa ; GCN (Global Christian Network) TV, mga libro ni Dr. Jaerock Lee’s, *Manmin nga mga Balita* sa Urdu nga sinultian, og pagpanudlo sa MIS (Manmin International Seminary)..

Ang programa sa GCN TV nga naa ang pagkabalaan sa ebanghelyo og ang gamhanang lihok, nikatag sa 73 ka mga syudad sa Pakistan pinaagi sa Isaac satellite TV station (President, Pastor Anwar Fazal), og ang 253 associative cable TV networks. Wala lang maghatag og oportunidad sa mga Muslim nga aron mahimong Kristohanon apan naghimo usab nga ang pagpangalagad mo katag sa silingang nasod.

Atong pasalamatan og himayaon ang Diyos sa gugma nga nagpadayon og lihok, sa walay pahuway aron ang tanang kalag sa kalibutan maluwas.

Han'ay sa "The Message of the Cross" - (16)



Senyor Pastor Dr. Jaerock Lee

Ang Katapusang Pito ka Pulong ni Hesus didto sa krus (1)

"Apan si Hesus niingon, 'Amahan, pasayloa sila kay wala sila mahibalo sa ilang gibuhat.'
Og gibahinbahin nila ang iyang sapot pinaagi sa pagripa." (Lucas 23:34)

"Miingon si Hesus kaniya, 'sultihan ko ikaw, karong adlaw adto ka sa Paraiso uban nako.'" (Lucas 23:43)

Kon hapit na ang kamatayon kasagaran sa tawo magbilin og kasulatan o mga testamento ngadto sa ilang pamilya og higala. Si Hesus, nga nianhi sa kalibutan isip Manluluwas sa katawhan, nagbilin og pipila ka pulong sa wala pa siya mo ginhawa sa iyang katapusang ginhawa didto sa krus, kini mao ang gitawag og "The Last Seven Words on the Cross."

Unsa ang mga katapusang pulong ni Hesus, ang Anak sa Diyos, nga gibilin human sa Iyang pagtuman sa kapangandaman sa kaluwasan sa katawhan? Ang sunod ka pipila ka mga isyu sa Manmin News maoy mo ukay sa "The Last Seven Words on the Cross" sa atong Ginoong Hesu Kristo sa iyang katapusang panahon dinhi sa kalibutan para atong masabtan ang Iyang dughan og aron kita mahimong tinuod nga mga anak sa Diyos.

1. "Amahan, pasayloa sila: kay wala sila mahibalo sa ilang gibuhat."

Ang dakong importansya sa espirituhanong kahulugan nga gisuksuk diha sa "Seven Last Words on the Cross", nga gisulti ni Hesus sa iyang pagtuman sa dalan sa kaluwasan pinaagi sa pagpas-an sa krus, sa pagsunod sa kabubut-on sa Diyos. Ang una sa pito makita sa Lucas 23:34.

Si Hesus, nga Anak sa Diyos gihatagan sa brutal nga silot sa paglansang sa krus tungod sa atong mga kasal-anan. Ang tanang katawhan makasasala og makadawat unta sa silot sa kamatayon, apan gitubus ni Hesus iyang giangkong ang nagkalain-laing pag-antos og mga kasakit. Tungod kay sila wala mahibalo, ang mga Roman nga sundalo og ang katawhan sa Israel wala magduhaduha sa pagtamay og panghimaraot ni Hesus, samtang siya nagbitay didto sa Krus.

Si Hesus wala lang mag-antos sa hilom apan nag-ampo sad sa Diyos sa kapasayloan sa mga tawo nga gustong mopapatay niya. Kining pag-ampo, ayaw kalimti nga dili lang para sa mga tawo nga didto sa panahon sa iyang paglansang; apan para sa tanang katawhan nga nagpuyo sa kangitngit. Ang mahigugmaong pag-ampo ni Hesus maoy hinungdan nga daghang tawo karon ang makadawat sa kaluwasan.

Ang usa nga walay sala mahigugmaong nag-ampo para sa mga makasasala sa iyang katapusang higayon didto sa krus, gusto niya nga ang tanang anak sa Diyos maghinigugma'ay og magpinasaylo'ay. Sa samang rason gitudloan ta niya pag-ampo "Og

pasayloa kami sa among mga sala, ingon nga kami nakapasaylo sa mga nakasala kanamo" sa "The Lords' Prayer."

Naay panahon nga kita biaybiayon, apan si Hesus dili gusto nga kita mo balos og daotan o magtago'g kasakit sa dughan, apan hinuon mohatag og kamaayo niadtong nagbiaybiay nato. (Mateo 5:44-45). Si Hesus nihigugma bisan sa mga makasasala nga ni lansang niya og ni biaybiay niya, kita usab gikinahanglan nga mohigugma sa atong mga kaigsonan og mopasaylo, bisan sa atong mga kaaway.

2. "Sultian ko ikaw, karong adlaw adto ka sa paraiso uban nako."

Ang ika-2 sa "The Seven Last Word on the Cross" makita sa Lucas 23:43. Naay duha ka kriminal nga gilansang sa kada kilid ni Hesus. Ang usa nagbugalgal ni Hesus, niingon, "Diba ikaw si Kristo? Luwasa ang imong kaugalingon og kami!" Ang usa nibadlong, "Wala kaba mahadlok sa Diyos, pareho tang gipangsilotan? Og kita angayan tungod sa atong mga binuhatan, apan kining tawhana walay sala nga nahimo." Og niingon siya ni Hesus, "Hesus, hinumdumi ko sa pag-abot nimo sa imong gingharian!" Tungod ini si Hesus nitubag og nisaad sa usa ka kriminal, "Sultian ko ikaw, karong adlaw adto ka sa paraiso uban nako."

Ang nahitisuk diha sa ika-2 pulong ni Hesus sa "Last Seven Words on the Cross" may labaw'ng espirituhanong kahulugan, ang una nga mao ang "Paraiso" sa langitnong gingharian. Dinhi sa Bibliya naay daghang mabasa mahitungod sa langit. Sama pananglitan sa 2 Korinto 12, si apostol Pablo nagsulat "Gibayaw ngadto sa ikatulong langit sa Paraiso, og nakadungog sa dili masabtan nga mga pulong." Sa Nehemias 9:6 nga nag-ingon nato "mga langit, ang langit sa mga langit"- naa say giingon nga "kinatas-an sa mga langit" og uban pa. Gawas sa langit nga atong makita (nga mao ang panganud) naa pay mga langit sa espirituhanong gingharian (1 Hari 8:27; Salmo 68:33).

"Ang ika-3 langit"- sa langitnong gingharian- gibahin sa daghang pinuy-anan sa langit apil na ang Paraiso nga diin si Apostol Pablo gidala, ngadto na usab sa syudad sa Bag-ong Herusalem nga giingon sa Gipadayag 21:10-11. Ang Bag-ong Herusalem maoy kinatas-ang bahin sa langitnong gingharian og ang makapuyo didto kato lang nakasunod sa imahe sa atong Ginoo, nga kompletong nakapapahawa sa sala og daotan, og

nagmatinud-anon sa tanang balay sa Diyos.

Ang kriminal nga nakadawat sa kaluwasan samtang siya gilansang tupad ni Hesus nidawat ni Hesus sa mubo nga panahon sa dili pa siya mamatay. Mao nga wala na siyay panahon sa pagpalayas sa sala og daotan diha sa iyang dughan og wala siya makapakita sa iyang pagkamatitud-anon ngadto sa Ginoo; lugos gani siya makadawat sa kaluwasan. Ang sama niya makasulod sa Paraiso, ang pinaka-ubos nga puy-anan sa langitnong gingharian.

Tunga sa Paraiso og sa Bag-ong Herusalem naay daghang nagkalian-laing puloy-anan sa langit. Og ang pinoy-anan sa matag usa mailhan basi sa iyang pagkabalaan, pagtoo, og pagkamatitud-anon. Ang pagkamatarong sa Diyos nga maoy magtugot kanato sa pagpupo kon unsa ang atong gitatum aning kalibutana. Ang langitnong gingharian gibahin ngadto sa nagkalain-laing puloy-anan.

Ang lugar sa langitnong pinoy-anan dili magkapareha, nagdepende ni kon giunsa pag papahawa sa matag usa ang mga sala og giunsa pag sunod ang balaan nga imahe sa atong Ginoo. Ang kanindot, ganti, kalipay og awtoridad sa matag usa sa pinoy-anan sa langit naay kalainan.

Mao nga sa 1 Corinto 15:41 nag-ingon "Ang adlaw may kaugalingong katahom, ang bulan usab may laing katahom kay naglainlain ang matang sa katahom sa mga bituon." Kung ang tawo naay tinuod nga pagtoo, dili siya moingon nga maghimo lang ko og sakto para maluwas; maningkamot gyud siya nga makasulod sa mas nindot nga pinoy-anan sa langit.

Mateo 11:12 nag-ingon "Sukad pagwali ni Juan hangtud karon, ang paghari sa Diyos kusganon gyud nga niabot og ang mga tawo kusganong naninguha ini." Kung kita maning kamot pagbatok sa daotan og sala, og mosunod sa Ginoo, makasulod kita sa nindot nga pinoy-anan sa langit, og makapuyo didto.

Kay kung tugutan kita sa pagsulod sa langit nga naay kasina, paghusga, kalagot, pagluib, panglimbong, kahangol, kainit, pagpanapaw og uba pa, ang langit dili na mabalaan og malipayong puloy-anan. Mao nga dili ta makasulod sa langit kon naa pay mga daotan og sala diha sa atong dughan, makasulod lang ta kon atong gipaningkamotan ang pag-usab sa atong dughan ngadto sa pagkamaayo og espiritu.

Kinsa katong mga naningkamot sa paglambo alang sa kaayuhan og espiritu magpundok pagpuyo didto sa parehong puy-anan. Sama nga ang pareho og edad o personalidad malipayong mag-uban sa trabaho dinhi sa kalibutan, ang kinabuhi sa langit mas labaw'ng komportable og malipayon kon magpuyo uban ang pareho sa pagkabalaan og pagtoo, og sa ingon nga sila nagsunod sa Ginoo.

Si Hesus niingon sa usa ka kriminal, "karong adlaw adto ka sa Paraiso uban nako." Dili pasabot nga si Hesus magpuyo sa Paraiso uban sa criminal. Gisulti kini ni Hesus sa kriminal tungod, kay samtang siya magpuyo sa New Jerusalem, ang pinaka nindot nga puy-anan sa langit. Siya ang master sa langit og magmando didto human sa iyang pagkabanhaw og pagkayab.

Ang "karong adlaw" wala magpasabot nga si Hesus moadto sa Paraiso sa adlaw sa iyang paglansang. Ang kriminal nga nahimong anak sa Diyos human sa iyang pagdawat sa kaluwasan pinaagi sa pagtoo, gisultian siya ni Hesus nga si Hesus mag-uban niya permi. Mao usab, nga kon kita modawat sa Ginoo og makadawat sa kaluwasan, sugod sa adlaw sa atong pagdawat ang Ginoo maghinumdum nato og mag-uban sa kanunay.

Diin man diay padong si Hesus atong adlaw -Biyernes- pagkamatay niya sa krus? Bahin ini, ang Mateo 12:40 nag-ingon, "Tulo usab ka adlaw ug tulo ka gabii ang Anak sa tawo sa ilalom sa yuta" og sa Efeso 4:9 nagpahinumdom nato nga si Hesus "mikunsad una siya ngadto sa kahiladmann sa yuta." 1 Pedro 3:19 nag-ingon sad "miadto siya og nagwali sa mga espiritu nga nabilanggo." Ayaw kalimti nga sa iyang katapusang ginhawa didto sa krus, si Hesus wala moadto sa Paraiso apan "niadto og nagwali siya sa mga espiritu nga nabilanggo." Kini nagpasabot adtong nangamatay na og una sa wala pa pasana ni Hesus ang krus aron sa pagluwas nato, apan sila mahimong makadawat sa kaluwasan.

Mga igsoon ko diha ni kristo, hangtod sa katapusan sa iyang kinabuhi dinhi sa kalibutan, si Hesus mahigugmaong nag-ampo para sa tanang katawhan og nagtanum og Pulong sa pag-laom para sa langit diha sa usa ka kriminal nga nidawat niya. Maayo unta nga ang matag usa ninyo maningkamot para sa nindot nga puy-anan sa langit pinaagi sa pagtugkad sa Iyang gugma, sa ngalan sa atong Ginoong Hesu Kristo ako nag-ampo!

Uban sa Madilaabong Lihok sa Espiritu Santo, Ang Daghang Bunga sa Pagkabalaan sa Ebanghelyo Natawo sa Thailand!



Ang mission trip team sa Thailand naghimo sa Pastor's Seminar og Handkerchief Healing Meeting sulod sa 12-kaadlaw. Ila sad giwali ang ebanghelyo og ang gahum nga nagpakita sa Manmin Central Church, og nagpakita sa mga nindot nga pasundayag sa Royal Military Academy, Youth Rehabilitation Centers, og uban pang mga miting. ■ Unang litrato: Miting sa Royal Military Academy, Marso 15 ■ Ika-2 litrato: Pastor Sungchil Lee (ikatulo gikan sa wala sa unang linya) og Misyonary Jaewon Lee (ika-2 gikan sa wala) uban ang mga general sa Thai army ■ Ika-3 litrato: Ang pasundayag sa Sound of Light Chorus

Ang pagbisita sa CRU Radio Station og Pastors' Seminar og Handkerchief Healing Meeting, sa Norte nga bahin

Marso 10, Sabado

Chiang Rai Manmin Church sa 1st Anniversary Service og ang Handkerchief Healing Meeting

Marso 11, Domingo

Ang Blessing Meeting sa Banubeca og Banccaruna Youth Detention Centers

Marso 13, Martes

Ang Blessing Meeting sa Royal Military Academy

Marso 15, Huwebes

Ang Thai King's 84th Birthday gihimo Og ang Handkerchief Healing Meeting gihimo sad sa nakig ubang simbahan sa Manmin.

Sabado og Domingo, Marso 17 og 18,

Ang kahibulongang lihok sa Espiritu Santo ni Buklad og ang daghang bunga sa pagkabalaan sa ebanghelyo natawo bisan didto sa Thailand nga diin 95% sa populasyon mga Buddhist.

Marso 9-20, si Pastor Sungchil Lee og ang "Sound of Light Chorus" nga nahisakop sa "Performing Arts Committee" sa Manmin Central Church nag misyon trip sa Thailand. Sa norte nga bahin, ang Pastor's Seminar, Handkerchief Healing Meeting, ang Royal Military Academy Meeting, og ang Banubeca og Banccaruna Youth Detention Center Meetings, nahimo nga ang Speaker si Pastor Sungchil Lee. Ang Sound of Light Chorus naghatag og kahimayaan sa Diyos uban ang espesyal nga pasundayag sa ika 84-tuig nga selebrasyon sa adlaw'ng natawhan sa Hari sa Thailand.

Sa maong trip, ang pagpangalagad sa Manmin Central Church nailhan sa Thailand sama sa mga opisyal sa gobyerno, heneral sa army, og sa mga tigmantala. Ang Pastor Seminar sa Cambodia og Laos na sabot nga pagabuhaton sa dili madugay, kini maayong oportunidad para daling maipakatag ang pagkabalaan sa ebanghelyo og ang gahum sa Diyos, ngadto sa Indochina og para usab sa Manmin nga makabutang og pondasyon para sa world-wide parish.

Sugod sa pagpadala sa Manmin og mga misyonaryo niadtong 2009, ang misyonaryo nga si Jaewon Lee og Sunok Lee sa Chiang Rai Manmin Church nihatag sa ilang kaugalingon aron sa pagpanghatag sa mga libro ni Dr. Jaerock Lee sa Thai nag version og nagkupot sa mga Pastor's Seminar. Tungod nila, daghan ang mga simbahan nagparehistro isip sanga sa Manmin og nakig uban. Dugang pa, ang Thai Com 5 satellite TV ni sibya sa GCN (www.gcntv.org) programs, sama sa mga sermon ni Dr. Lee og mga lihok sa gahum sa Diyos. Sugod nidaghan ang mga manan-aw sa programa, ang pagkabalaan sa ebanghelyo dali nga ni katag. Labaw na nga ang 2-ka misyonaryo abtik nga mopakatag sa gahum sa Diyos pinaagi sa pagpanghatag sa Manmin News, nga gihubad sa sinultian sa Thai, og mag-wali sa mensahe sa CRU radio station nga magsibya sa tibuok Thailand, apil na gani ngadto sa Myanmar og Laos.

Ang kahibulongang lihok nahitabo pinaagi sa panyo sa pag-ampo nga inampuan ni Dr. Lee. Bisan ang mga barangan og shaman ni dawat sa Ginoo pinaagi sa pag-ampo sa panyo (Buhat 19:11-12). Si Pastor Sungchil Lee naghatag og kahimayaan sa Diyos pinaagi sa paghimo og mga miting sa daghang lugar sa Thailand niadtong Septembre 2009, Nobyembre 2010, og Pebrero 2011 og daghang katawhan ang naayo sa ilang mga sakit.

Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Patato St, J-Figuera Sampaloc, Manila, Philippines Pastor Peter Bae Pastor Lucy Lee 2-735-1423	067 Daang Bago, Dinalupihan, Bataan, Philippines Pastor Peter Bae Pastor Lucy Lee 0910-262-5465	Purok 3, Brgy, San Roque, San Mateo, Isabela, Philippines Pastor Peter Bae Pastor Lucy Lee 0905-649-1120	5 Lot 33 Bk 1, Canutuhan (tenant), Santiago Gen.Trias, Cavite, Philippines Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Philippines Pastor Jubeom Kim 0927-311-7633	LOT N. 402 - B-4 Looc Along Side The Canjulao Road, Lapu-Lapu City Cebu, Philippines Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Philippines Pastor Kathryn Kim 0908-635-2714



Ang Pakistan Nausab Tungod sa Gugma sa Diyos

Ang Diyos nagtinguha sa kaluwasan sa tanang katawhan. Bisan pa man og ang kadaghanan sa Pakistan mga Muslim, apil gihapon sila. Ang mission team sa Manmin nag mission trip sa Pakistan sulod sa 18-kagabii og 19-kaadlaw niadtong Marso 2012. Ang grupo nipukaw sa mga pastor, pinaagi sa paghatud sa mensahe "The Message of the Cross" sa pastor's seminar. Pinaagi sa pag-ampo gamit ang panyo nga inampuan ni Dr. Jaerock Lee, nahitabo ang madilaabong lihok sa Espiritu Santo. Ilang gipamatuud nga buhi ang Diyos og ang pagkatinuud sa Bibliya, pinaagi sa pagpakita sa samang lihok sa Espiritu Santo sa panahon ni Apostol Pablo nga nahisulat sa Buhat 19:11-12. Atong tan-awon ang ilang ministry.

◆ Ang Lahore Healing Crusade nga gibanabana sa 10,000 ka mga tawong nanambong

Marso 12, si Pastor Taesik Gil og ang iyang mission team niabot sa Islamabad, capital sa Pakistan. Naghimo dayon siya og Miracle Healing Crusade Marso 13.

Marso 14, si Pastor Taesik Gil, nga mao ang pangulong pastor sa Daejeon Manmin Church, niwali sa mensahe nga nag-ulohan, "The Reason God Placed the Tree of Knowledge of Good & Evil" og "Why is Jesus Our Only Savior?" Kini gibasi sa libro ni Dr. Jaerock Lee nga "The Message of the Cross." Ang mga nanambong naminaw pag-ayo og namakpak uban ang syagit sa kalipay. Pagkahapon ang Pakistan bishops og assembly representative ni eksamin sa pagpangalagad sa Manmin. Ila pa ganing gipili si Dr. Jaerock Lee nga ilang international board chairman sa Council of the Bishop & Heads of the National Church sa Pakistan.

Sa gabii, ang Miracle Healing Crusade gihimo, gibanabang 10,000 ang mga nanambong sa Full Gospel Assembly (FGA) Ground. Si Pastor Taesik Gil nisubay og nagpamatuud sa kaayuhan ni Sister Sana Kahn. Kini hitabo nga ang batang iyang gimabdos namatay sa iyang sabakan, apan nabuhi kini pinaagi sa pag-ampo gamit ang panyo sa pag-ampo og iyang gipanganak ang himsog nga bata. Sa pagpaminaw sa iyang panghimatuud ang mga nanambong naghatag og kahimayaan sa Diyos, madasigong namakpak uban ang syagit sa kalipay.

◆ Ang 'The Message of the Cross' giwali sa Sialkot diin ang ebanghelyo sa Pakistan nagsugod

Marso 15 og 16, Sialkot Church sa Pakistan Pastor's Seminar gihimo diin ang ebanghelyo sa Pakistan nagsugod. Si Pastor Gil ni wali sa 'The Message of the Cross' apil ang providence of human cultivation.

Marso 17, ang Sialkot Miracle Healing Crusade gihimo mga 3,000 ang nanambong. Dili maihap ang katawhan nisaka sa 'stage' para magpamatuud sa ilang kaayuhan human makadawat sa pag-ampo ni Pastor Gil gamit ang panyo sa pag-ampo. Ang 50 anyos nga babaye, ginganlag Naseen naayo sa iyang pagkabuta tungod sa diabetes og ang 45 anyos nga lalaki, Mehmood Masih naayo sa iyang after-effects nga operasyon sa iyang nabaling paa. Iyang gilabay ang sungkod og nilakaw. Daghan pang mga katawhan nga naghatag og pasidungog sa Diyos. Marso 18, God the Trinity Church, nga gi pastoran ni Bishop Samuel Pervez, niatud sa mensahe nga nag-ulohan og "Jesus Christ."

◆ Ang gamhanang lihok ni baha sa Faisalabad og Islamabad

Marso 19-20, ang Faisalabad Pastors' Seminars gihimo uban ni Pastor Bashir L Mall, Bishop sa Pakistan United Methodist Assembly. Ang pastor nga nitambong niingon, "naa koy daghang pangutana sa kristohanong kinabuhi, apan ang tanan natubag karong adlaw." Laing pastor niingon, "Akong nakak-onan ang kalainan sa ngan nga Hesus og Hesu Kristo og ang rason ngano nga si Hesus nitawag kang Maria "Babaye".

Marso 22, ang Miracle Healing Crusade nahimo didto sa Islamabad Jesus Calls Church. Marso 23, ang Pastors'



Lahore



Sialkot



Islamabad



Rawalpindi



Hyderabad

Seminars para sa mga pastor sa Islamabad og Rawalpindi, nahimo og ang Miracle Healing Crusade. Usa ka pastor niingon, "Ako usa ka doctor of divinity, apan wala pako maka dungog og sama ani nga mensahe, nga para sa mga pastor og angyang sundon." Ang maong krusada giapilan sa 7 ka bulan nga bata, baby Zulekha. Dili pa normal nga na develop ang iyang lawas, og daot ang iyang mga paa og piko pa gyud. Apan ang iyang mga paa nitul-id human sa pag-ampo ni Pastor Gil. Daghan pa ang mga kahibulongang lihok sa gahum og ag katawhan nagpasidungog sa Diyos.

◆ Ang mga Panghimatuud ni Baha, didto sa Rawalpindi

Marso 24 og 25, ang Pastors' Seminar og Miracle Healing Crusade nahimo sa hangyo ni Pastor George, Vice Bishop sa Full Gospel Assembly.

Pinaagi sa pag-ampo ni Pastor Gil gamit ang panyo sa pag-ampo, si Ruth David (55, babaye) nakakita og balik, kay siya buta man sulod sa 4-katuig. Emanuel (73, lalake) nakalakaw nga wala na maggamit og sungkod, nainbalido siya tungod sa atake. Aziz-ud-sin (64, lalake) naay dakong tumor sa iyang tuo nga ilok, apan nigamay kini human sa pag-ampo. Naa say usa ka tawong gidali og dala sakay sa 'stretcher' og giampuan tungod kay siya naparalize sa diabetes. Wala madugay siya nakatingog sa unang higayon sulod sa 14-ka adlaw. Daghan pa ang mga panghimatuud.

◆ Ang lugar sa Karachi nakadawat og grasya pinaagi sa sermon nga programa ni Dr. Lee

Marso 25, ang mission team nakigkita sa Karachi local cable TV broadcaster para magsabot sa broadcasting cooperation, uban sa Asif Nazir, director sa Isaac TV, nga ang presidente si Pastor Anwar Fazal. Sila niingon, "Ang katawhan sa Karachi nangandoy nga makapaminaw sa mga sermon ni Dr. Lee nga gisibya sa Isaac TV og niingon sa ilang lokal nga estasyonan nga ipa sibya sad ang mga sermon." Nianang panahon ni perma sila og kontrata sa pagsibya, uban diha sa Isaac TV. Ang uban nga estasyonan mga Muslim. Ang Isaac TV nagsibya sa GCN TV (www.gcntv.org) nga mga programa (sobra sa 8 ka oras) sama sa sermon ni Dr. Lee og mga pasundayag sa Manmin.

◆ Ang "Hyderabad Pastors' Association" nagparehistro sa Manmin isip sanga og nakig-ubang simbahan

Marso 26, ang mission team niadto sa Hyderabad, ang syudad naay mga 2 ka milyon ang katawhan. Naay 30-40 ka mga pastor sa maong syudad og ang 20 nila miyembro sa Hyderabad Pastors' Association.

Ang mga pastor nga nanambong sa buntag nga siminar, niingon "Dako kaayong panalangin nga nakadungog sa lawum nga tinaguang gipaila, sa mga mensahe." Human sa siminar, ang tanang miyembro sa asosasyon nagparehistro sa Manmin isip mga sanga og nakig ubang simbahan. Sa gabii, ang Miracle Crusade gihimo og ang kahibulongan nga gahum sa Diyos nipakita na usab. Ang 75 anyos lalaki, si Subaha Masih wala na makakita human sa operasyon sa iyang mata duha ka tuig nang nilabay. Samtang siya giampuan nakakita siya og badlis sa kahayag, hangtod kompleto na siyang nakakita.

The Confession of Faith

1. Manmin Central Church believes that the Bible is God-breathed Word that is perfect and flawless.
2. Manmin Central Church believes in the unity and the work of God the Trinity: God the Holy Father, God the Holy Son, and God the Holy Spirit.
3. Manmin Central Church believes that we are forgiven of our sins only by the redeeming blood of Jesus Christ.
4. Manmin Central Church believes in the resurrection and ascension of

5. Jesus Christ, His Second Advent, the Millennium, and the eternal heaven.
5. Members of Manmin Central Church confess their faith through "The Apostles' Creed" each time they come together and believe in its content verbatim.

"[God] Himself gives to all people life and breath and all things." (Acts 17:25)

"And there is salvation in no one else; for there is no other name under heaven that has been given among men by which we must be saved." (Acts 4:12)

Manmin Balita

Published by Manmin Central Church

235-3 Guro-3dong, Guro-gu, Seoul, Korea (postal code 152-848)
Tel: 82-2-818-7047 Fax: 82-2-818-7048
<http://www.manmin.org/english>
e-mail: manminministry@hotmail.com
Publisher: Jaerock Lee
Managing Editor: GeumSun Vin

Bisayan